

Nd.

935. Nefndarálit

um frv. til 1. um almannatryggingar.

Frá heilbrigðis- og félagsmálanefnd.

Frv. þetta er upprunalega samið og undirbúið af milliþinganefnd og var flutt í efri deild í byrjun desember af heilbrigðis- og félagsmálanefnd efri deildar, að beiðni félagsmálaráðherra. Frv. var allýtarlega rætt á sameiginlegum fundum heilbrigðis- og félagsmálanefnda beggja deilda, og sat Brynjólfur Stefánsson forstjóri, sem sæti átti í milliþinganefnd þeirri, er samdi upprunalega frv., einnig þessa sameiginlegu fundi. Nefndirnar hafa starfað að athugun frv. frá því í byrjun febrúar, fyrst báðar sameiginlega, en síðan tók efrideildarnefndin við og athugaði það ýtarlega, og einnig var nokkuð um málið rætt á milli flokka. Undir meðferð frv. í efri deild var því breytt nokkuð til þess að tryggja að málið næði fram að ganga á yfirstandandi Alþingi.

Nefndin hefur haldið þrjá fundi um málið, og mættu á fyrsta fundinum félagsmálaráðherra, forstjóri Tryggingastofnunar ríkisins og Brynjólfur Stefánsson forstjóri.

Meiri hl. nefndarinnar (GD, SEH og StJSt) telur, að til þess að tefla ekki mál-inu í tvísýnu þurfi að samþykkja það eins og frá því var gengið í efri deild í öllum höfuðatriðum, þó þeir hins vegar vilji taka til athugunar breytingu á 11. gr. frv. og munu væntanlega flytja um það sérstaka brtt. Öll nefndin sameiginlega flytur nokkrar brtt. til leiðréttингar á frv.

P. Z. er með málinu í aðalatriðum, en telur, að í frv. séu nokkur ákvæði, sem skapi misrétti milli þjóðfélagsþegnanna og þurfi að laga, og mun hann flytja brtt. við frv. og áskilja sér rétt að fylgja öðrum, sem fram kunna að koma.

S. Thor. er málinu fylgjandi, en áskilur sér rétt til að flytja brtt. og fylgja öðrum, sem fram kynnu að koma.

Alþingi, 20. apríl 1946.

Sigurður E. Hliðar,
form.

Páll Zóphóniasson.

Sigurður Thoroddsen,
fundaskr.

Garðar Þorsteinsson.

Stefán Jóh. Stefánsson,
frsm.